

大明會典

大明會典卷之九十二

禮部五十

農壇

先農

洪武二年始建

先農壇于山川壇西南。列為大祀。每歲親祭。遂耕藉田。以后稷氏配。已又奉

仁祖配。後改中祀。止遣應天府官致祭。不設配位。祭畢。猶親耕藉田。永樂定都。建壇如南京。遣順天府官致祭。自後遇

登極初。行耕藉禮。則親祭。每歲以仲春上戊日。遣官

欽祭嘉靖十六年。

諭凡親耕則戶部尚書先祭先農。

上學止行三推禮萬曆四年改鑄神祇壇祠祭署印。
為先農壇祠祭署印仍掌行耕耜事務

洪武二十六年定

一齋戒 二月

一省牲 牛一 羊一 豕一 鹿一 兔一

一陳設

先農之神 南向

犢一 羊一 豕一 登一

鉶二

籩豆各十

簋簠各一

帛一

青色。舊神制。

設酒尊三。爵三。簋一。于壇南西向。祝文案一。
于壇西。

一正祭典儀。唱樂舞生就位。執事官各司其事。
贊引引獻官至盥洗所。搢笏。出笏。贊就位。典儀
唱瘞毛血。迎神。奏樂。樂止。贊四拜。陪祭官同。典儀唱
奠帛。行初獻禮。樂作。贊詣

神位前。獻帛。獻爵訖。詣讀祝位。跪讀畢。贊俯伏。與
平身。復位。樂止。行亞獻禮。樂作。樂止。行終獻禮。

儀同典儀唱飲福受胙。訖俯伏興。平身。復位。贊兩拜。徹饌。奏樂。執事于

神位前。徹饌。樂止。唱送神。奏樂。贊四拜。樂止。典儀唱捧祝帛。饌各詣座。位禮畢。

一祝文

維洪武 年歲次 甲子月 日

皇帝謹遣具官某致祭于

先農之神。惟

神初興農事。乃種嘉穀。為民主命。萬世永賴。今將東作。親耕藉田。謹以牲醴庶品。用修常祀。尚享

一樂章

迎神

東風啓蟄地脉奮然蒼龍掛角燁燁天田民命
惟食創物有先圓鐘既奏有降斯筵

奠帛

帝出乎震

天發農祥神降于筵藹藹洋洋禮神有帛其色惟蒼
豈伊具物誠敬之將

初獻

九穀未分庶草攸同表為嘉種實在

先農黍稌斯豐。酒醴是共。獻奠之初。以靳感通。

亞獻

倬彼甫田。其隰其原。耒耜云載。騂御之間。報本思享。亞獻惟虔。

神其歆之。自古有年。

終獻

帝藉之典。享祀是資。潔豐嘉栗。咸仰于斯。時惟親耕。享我農師。禮成于三。以訖陳詞。

徹饌

於赫

先農歆此潔修。于篚于爵。于饌于羞。禮成告徹。
神惠敢留。餼及終。畝豐年。是求。

送神

神無不在。於昭于

天。曰迎。曰送。于享之筵。冠裳在列。金石在懸。往無不
之。其佩翩翩。

望瘞

祝帛牲醴。

先農既歆。不留不褻。瘞之厚深。有幽其瘞。有赫其
臨。曰禮之常。匪今斯今。

嘉靖九年更定

一祭品每親祭加和羹胙牛各一隻豚胎豕一口。餘如舊例。

一祭儀前三日太常寺奏致齋如常祀儀。

上先期致告于

廟。至日。

上詣壇所具服殿具皮弁服。典儀唱樂舞生就位。執事官各司其事。內贊導引官導

上至拜位。內贊奏就位。典儀唱瘞毛血迎神。樂作。樂止。內贊奏四拜。傳贊百官同典儀唱奠帛行初獻禮。

樂作。執事官捧帛爵。跪奠于

神位前訖。內贊奏跪。

傳贊百官同

樂暫止。內贊唱讀祝。

讀祝官跪于

神位前右讀訖。樂作。奏俯伏。興。平身。

傳贊百官同

樂止。

典儀唱行亞獻禮。樂作。執事官捧爵跪奠于

神位前訖。樂止。典儀唱行終獻禮。樂作。執事官捧

爵跪奠于

神位前訖。樂止。太常寺官進立壇東西向。唱答福

胙。內贊奏跪。奏搢圭。光祿寺官以福酒跪進于

上右。內贊奏飲福酒。

上飲訖。光祿寺官以胙跪進于

上右。內贊奏受胙。

上受訖。奏出主。俯伏興。半身。奏二拜。傳贊百官同典儀唱

徹饌。樂作。執事官詣

神位前。徹饌訖。樂止。典儀唱送神。樂作。內贊奏四

拜。傳贊百官同樂止。典儀唱讀祝官捧祝。掌祭官捧

帛饌各詣瘞位。樂作。禮畢。樂止。

上還具服殿。更翼善冠黃袍。行耕藉田禮。

一祝文

維嘉靖 年 月 日

嗣天子御名。致祭于

先農之神曰。維

神肇興農事。始種嘉穀。立斯民命。萬世攸賴。茲當
東作之期。躬耕藉田。惟賴

神慈默施。化理俾年穀豐茂。率土皆同。以牲帛醴
齊之儀。用申祭告之誠。尚享

一樂章

仍舊

先蠶
後罷

嘉靖九年。初建

先蠶壇于北郊。歲春擇日。

皇后躬祀先蠶行親蠶禮。十年改築壇于

內苑致祭行親蠶禮

一齋戒。前期三日。尚書奏致齋三日。內執事并司贊六尚等女官及應入壇者各齋二日

一省牲 羊二 豕一 鹿一 兔一

一陳設

先蠶氏之神

羊二 豕一 登一 籩豆各六

簋簠各二 帛一 篚一 酒尊三

爵三 酒盞三十 祝案一

一正祭。先一日蠶宮令陳樂女生位于壇南。設皇后拜位于壇下。北向。次

公主。次內命婦。次外命婦拜位。俱異位重行。北向。設內贊位于壇南。設司贊位于

皇后拜位之東西。設司賓位于外命婦班之北。東西相向。

皇后至壇所。入具服殿少憩。司賓先引外命婦立于先蠶壇下。東西相向。以北為上。尚儀詣

皇后前奏請

皇后易禮服。出殿門。將至壇。內贊唱樂女生就位。執

事官各司其事導引女官導

皇后至拜位。司贊奏就位。次

公主。次內命婦。又次外命婦。各就拜位。內贊唱瘞

毛血迎神。樂作。樂止。司贊奏四拜。公主以下同內贊

唱奠帛行初獻禮。樂作。執事官捧帛爵跪于

神位前。各奠訖。樂暫止。內贊唱讀祝。司贊奏跪。

皇后跪。公主以下同讀祝女官跪于

神位前右。讀訖。樂作。司贊奏興。

皇后興。公主以下同樂止。內贊唱行亞獻禮。樂作。執事官

捧爵跪奠于

神位前訖樂止。內贊唱行終獻禮。儀同執事女官

進立壇東。西向。唱賜福胙。司贊奏跪。

皇后跪。執事女官以福酒跪進于

皇后右。奏飲福酒。

皇后飲訖。執事女官以胙跪進于

皇后右。奏受胙。

皇后受胙訖。司贊奏興。

皇后興。司贊奏二拜。公主以下同內贊唱徹饌。樂作。執事

女官詣

神位前徹饌訖。樂止。內贊唱送神。樂作。司贊奏四

拜

公主以下同

樂止。內贊唱讀祝官捧祝執事官捧

帛饌各詣座位。樂作。樂止。司贊唱禮畢。

皇后還具服殿。更常衣。行親蠶禮。

一祝文

維 年 月 日

皇后 致祭于

先蠶氏之神曰。維

神。肇興蠶織。衣我烝民。萬世永賴。時維季春。躬行

采桑禮。仰冀

默垂庇佑。相茲蠶事。率上大同。惟

神之休。敬以牲帛醴齊之儀。用申祭告。尚享。

如遇令官。則去躬行采桑禮一句。更云用修常典。又改用申為謹用。

一樂章

迎神 貞和之曲

於穆惟

神。肇啓蠶桑。衣我萬民。保我家邦。茲舉曠儀。春日
載陽。恭迎霞馭。靈氣洋洋。

奠帛

壽和之曲 初獻同

神其臨只。有苾有芬。乃獻玉盞。乃奠文纁。仰祈昭
鑒。淑氣氤氲。顧茲蠶婦。祁祁如雲。

亞獻

頌和之曲

載舉清觴。蠶祀孔明。以格以饗。鼓瑟吹笙。陰教用彰。坤儀允貞。

神之聽之。鑒此裡誠。

終獻

寧和之曲

神之格思。桑土是宜。三纁七就。惟此繭絲。獻禮有終。

神不我遺。錫我純服。藻繪皇儀。

徹饌

安和之曲

俎豆具徹。式禋莫愆。既匡既救。我祀孔虔。我思

古人葛覃惟賢。

明靈歆只。永顧桑阡。

送神

恒和之曲望座同

神之升矣。日霽霞蒸。相此女紅。杆軸其興。茲送玄宮。鸞鳳翔騰。瞻望弗及。永錫嘉徵。

凡太常寺執事人役。先一日入壇。具祝版祭品香帛。本日晚。送交蠶官。令轉送執事女官。其廚役等項。不許以鋪排名色。擅入壇內。祭畢。蠶官令將祭品交還太常寺。

凡樂女生奏樂。止用樂歌。不用舞。

凡陪祀文官四品以上武官三品以上命婦各造給陪祀牌一面牌式較陪祀官減三之一



嘉靖十五年建

聖濟殿于

文華殿後以祀先醫歲用羊一豕一釧二簋簋各二籩豆各八帛一遣太醫院正官行禮二十一年又建

景惠殿于太醫院上祀三皇配以勾芒祝融風后力牧而附歷代醫師於兩廡凡二十八人歲遣

禮部堂上官一員行禮太醫院堂上官二員分獻。二殿之祭並以春冬仲月上甲日

一陳設

殿中正壇

犢一

羊一

豕一

登二

鉶二

籩豆各十

簠簋各二

爵三

酒尊一

帛一

篚一

祝案一

東配位一壇

羊一

豕一

鉶一

籩豆各十

簠簋各一

爵六

帛一

篚一

西配位一壇

陳設同

東廡醫師十四位分設三壇

饒貸季

天師岐伯

伯高

鬼吏區

俞跗

少俞

少師

桐君

太乙雷公

馬師皇

伊尹

神應王扁鵲

倉公淳于意

張機

每壇

豕一析為三 籩豆各六 簋簠各一

酒盞五 爵三 帛一 篚一

西廡醫師十四位

華陀 王叔和 皇甫謐

抱朴子葛洪 巢元方 真人孫思邈

藥王韋慈藏 啓玄子王冰 錢乙

朱肱 李杲 劉完素

張元素 朱彥修

陳設同

一正祭贊引對引導遣官至咸濟門贊詣盥洗

所贊搢笏洗訖。贊出笏。典儀唱執事官各司其事。贊引贊就位。典儀唱迎神。贊四拜。贊引贊陞壇。導遣官至中香案前。贊跪。贊搢笏。贊上香。贊引引至東香案前。贊跪上香訖。引至西香案前。贊跪上香訖。贊出笏。贊復位。太醫院堂上官于兩配位香案前上香訖。典儀唱奠帛行初獻禮。贊引贊陞壇。引至

神位前。贊搢笏。贊獻帛。贊三獻爵。獻訖。贊出笏。贊詣讀祝位。贊跪。贊讀祝。讀訖。贊俯伏興。平身。贊復位。兩配位執事自獻。兩無儀同正殿典儀唱亞獻禮。

終獻禮。

儀同初獻。惟不獻帛。不讀祝。

典儀唱徹饌。執事徹訖。

典儀唱送神。贊引贊四拜。典儀唱讀祝。官捧祝。掌祭官捧帛饌。各詣燎位。贊引贊禮畢。

一祝文

維年 月 日

皇帝遣官某致祭于

太昊伏羲氏。

炎帝神農氏。

黃帝軒轅氏。曰仰惟

聖神繼天立極。開物成務。壽世福民。尤重於賢。所以

贊

帝生德。立法配品。惠我天民。功其博矣。時惟仲禱。特修常祀。尚冀

默施冥化。大著

神功。深資妙劑。保和朕躬。期與一世之生民。咸蠲疾疫。躋於仁壽之域。以永

上帝之恩。不亦丕顯矣哉。以

勾芒氏之神

祝融氏之神

風后力牧氏之神配。尚享

旗

洪武元年。

詔定親征遣將諸禮儀。以為古者天子親征。則類于上帝。造于祖。宜于社。禡於所征之地。祭所過山川。若遣將出師。亦告於廟社。禡祭旗纛而後行。於是諸儒議上。具載大明集禮中。今牙旗六纛藏之。

內府其廟在山川壇。每歲仲秋祭山川日。遣官祭于旗纛廟。霜降日。又祭于教場。至歲暮享。

太廟日。又祭于。

承天門外俱旗手衛指揮行禮。永樂後別有神旗之祭。專祭火雷之神。每月朔望。神機營提督官請祭于教場。今係總督京營戎政官奏請祭畢復

命

禡祭及祭所過山川儀

一齋戒

皇帝清齋一日。大將陪祭官以下皆如之。

一省牲。前期二日設

皇帝大次於廟庭之東。省牲位於南門外。前一日導

駕官同太常寺卿導

駕詣大次。

皇帝服通天冠絳紗袍。至省牲位。廩犧令率其屬牽牲自東西行過。

御前省訖。牽詣神廚。太常卿奏請詣神廚視鼎鑊滌溉訖。遂烹牲。

駕還大次

一陳設前一日。執事設神案于廟殿中之北。軍牙位東。

六縣位西。設遷十有二于神位東。三行西上。豆十

有二于神位西三行東上。簋簋各二于邊豆間。
簋東簋西。鉶三登三于邊豆前。俎三于登鉶前。
香案于俎前。爵站于香案前。沙池于爵站前。設
酒尊所于廟庭東。幣篚位于酒尊北。爵洗位于
尊南。

御洗位于爵洗南。瘞坎于神位西北。設席于坎位前。
上置酒并椀五。雄雞五。以侑爵神。設

御位于廟庭之南。正中北向。大將及陪祭官從後。異
等重行。文東武西。皆北向。

一正祭。是日清晨建。

牙旗

六纛于神位後。旗東纛西。

皇帝服武弁服。導駕官同太常卿導。

皇帝自左南門入就位。贊禮唱迎神。大樂作。太常卿奏鞠躬。樂作。奏拜。興拜。興。平身。樂止。贊禮唱奠幣。行初獻禮。太常卿奏請詣盥洗位。

皇帝至盥洗位。搢圭盥訖。出圭。請詣爵洗位。搢圭。執爵官以爵進。受爵。滌爵。拭爵。訖。以授執爵官。再進爵亦如之。出圭。請詣酒尊所。搢圭。執爵官以爵進。受爵。司尊者舉。勑酌醴齊。訖。以授執爵

官再進爵亦如之。出主請詣

軍牙神位前。爵幣前行。

皇帝升廟壇。樂作。至

神位前。奏跪。搢圭。三上香奠幣。三祭酒奠爵。出主。
樂止。讀祝官跪讀祝于

神右訖。太常卿奏俯伏興。樂作。奏拜。興。拜。興。平身。
樂止。請詣

六纛神位前。禮同。復位。亞獻終獻。不奠帛。讀祝。餘
皆如之。訖。贊禮唱飲福受胙。太常卿奏詣飲福
位。奏鞠躬。樂作。奏拜。興。拜。興。平身。樂止。奏跪。搢

主飲福受胙訖。出主。奏俯伏興。樂作。奏拜。興。拜。興。平身。樂止。復位。贊禮唱徹豆。樂作。掌祭官各徹豆。樂止。太常卿奏。

皇帝飲福受胙免拜。贊禮唱陪祭官皆再拜。傳贊訖。贊禮唱送神。太常卿奏鞠躬。樂作。奏拜。興。拜。興。平身。樂止。傳贊贊禮唱望燎。讀祝官取祝捧幣。

官取幣。掌祭官取饌。詣望燎所。太常卿奏詣望燎位。燎畢。執事殺雞刺血於酒椀中。酌神。燎畢。太常卿奏禮畢。仍同導駕官導引還太次。內設

位。祿爵。試爵。上香祭酒神前再拜。胙免拜。等儀。後並省。

祭所過山川儀與禡祭同。但岳鎮海瀆則用太牢。其次用少牢。又次用特牲。行速止用酒脯。仍設籩豆各一。籩實鹿脯。豆實鹿臠。贊以禮官不用太常。奠帛行酌獻禮。無亞獻終獻。祭畢望瘞不用雞酒。

仲秋祭儀 洪武二十六年定霜降同

一齋戒 二日

一省牲 牛一 羊一 豕一

一陳設

神七位 南向

旗頭大將

六轟大將

五方旗神

主宰戰船正神

金鼓角銃砲之神

弓弩飛鎗飛石之神

陣前陣後神祇五昌等衆

犢一

羊一

豕一

登一

鉶二

蘧豆各十

簠簋各二

帛七

黑二。白五。禮神制帛

共設酒尊三爵三酒盃三十篚一于壇東南
西向祝文案一于壇西

一正祭贊引引獻官至盥洗所盥洗教坊司奏
樂典儀唱執事官各司其事贊引贊就位典儀
唱迎神樂作樂止贊引贊四拜陪祭官同典儀唱奠
帛行初獻禮奏細樂執事捧帛爵進贊引引獻

官詣

神位前奠獻訖贊詣讀祝位贊跪樂止讀祝訖奏
樂贊俯伏興平身贊復位樂止典儀唱行亞獻
禮奏樂執事官捧爵贊引引獻官詣

神位前獻訖樂止典儀唱行終獻禮。儀同唱飲福

受胙以下如常儀

一祝文

維 年 月 日

皇帝遣具官某致祭于

旗頭大將。

六纛大將。

五方旗神。

主宰戰船正神。

金鼓角銃砲之神。

弓弩飛鎗飛石之神。

陣前陣後神祇五昌等衆。維

神歛

天命而無私。助揚威武。有功

國家。茲當仲秋。謹遵常典。特以牲醴。遣官致祭。神其鑒之。尚享。

歲暮祭儀

一陳設

羊一

豕一

果五

爵三

帛

一祝文

維年 月 日

皇帝遣具官某致祭于

旗纛之神維

神之靈實壯威武適當歲暮禮宜時祀敬陳牲醴
神其鑒之尚享

朔望日祭神旗儀

一陳設

羊一

豕一

無帛

一正祭贊引引獻官就位贊四拜贊初獻禮贊

跪贊讀祝訖贊俯伏興平身贊亞獻禮贊終獻
禮贊四拜贊詣焚祝所訖贊禮畢

一祝文

維年 月 日

皇帝遣具官某致祭于

天威神機火雷無敵大將軍之神維

神威勇猛厲剛勁精彊勾雷掣雷歛火奔風護國

庇民厥功顯著肅靖兇暴寧謐封疆遇有征討

惟

神是賴驅鋒遣鏑端直奇妙萬發萬中疊貫連穿

破敵致勝。如拉枯朽。無堅不摧。無悍不滅。
神其蓄銳。毓靈用之。則應特以牲品致祭。
神其享之。

五祀

舊制每歲孟春遣內官祭司戶之神于宮門外
道左南向。孟夏遣內官祭司竈之神于內府大
庖廚前中道南向。季夏遣司禮監官祭中霤之
神于文樓前西向。孟秋遣守門內官祭司門之
神于午門前西角樓東向。孟冬遣內官祭司井
之神于內府大庖廚井前南向。俱羊一。豕一。果

品五。禮神制帛一。歲暮合祭于

太廟丹墀之西。羊五豕五。果品五。禮神制帛五。遣太常寺少卿行禮。今改以時享。

太廟日。祭司戶司竈司門司井之神。而祭中霤并合祭日期。及各遣官儀物。並如舊。

一正祭。贊引引獻官詣盥洗所洗訖。出笏就位。

贊四拜。贊行初獻禮。贊詣神位前。指笏奠帛。獻

爵。如素祭出笏復位。贊跪讀祝訖。俯伏興。平身。

贊行亞獻終獻禮。俱執事者捧爵自跪獻于神位前訖。贊四拜。贊焚祝帛。贊詣焚祝所。贊禮畢。

分祭祝文

維 年 月 日

皇帝遣具官某致祭于

司戶之神曰。職司于戶。謹出入之行歲。晝開幕闔。衛護無私。時維孟春。謹以牲醴致祭。

神其鑒知。尚享。

司竈之神曰。日用飲食。必資乎竈。爨有常所。

神實司之。時維孟夏。謹以牲醴致祭。

神其鑒知。尚享。

中雷之神曰。室之中雷。神司其職。居中向明。照察。

無私。時維季夏。謹以牲醴致祭。

神其鑒知。尚享。

司門之神曰。職司牙門。謹出入之行藏。晝開幕闔。衛護無私。時維孟秋。謹以牲醴致祭。

神其鑒知。尚享。

司井之神曰。神司茲井。源泉清潔。其用日新。以供飲食。時維孟冬。謹以牲醴致祭。

神其鑒知。尚享。

合祭祝文

曰。維

神安養護衛。各著厥功。茲當歲暮。特以牲醴報祭。
神其鑒知。尚享。

大明會典卷之九十二

大明會典卷之九十三

禮部五十一

按職掌載南京十一廟皆在雞鳴山之陽後增漢壽亭侯又於都城增京都太倉天妃凡三廟今先京師諸廟而在南京者以類列焉

京師

北極佑聖宮

即真武廟。明國靖難。梓多歲。雲。使祀之。每歲元日。

聖旦。三月三日。九月九日。每月朔望日。俱用素饗。

遣太常寺僧上官行禮。國有大事。則告。

東嶽泰山廟

洪武三年春。秋合祀于山川壇。二十一年。續春。附祭于壇。秋祭。祭于壇。今。

作每歲

聖旦。及三月二十八日。用牛一。羊一。豕一。果二。香

事一。遣太常寺堂上官。祭于其廟。

都城隍廟

舊從祀于郊壇。聖旦。及五月十一日。遣太常寺官祭于其廟。嘉靖九年。廢

從祀。增朝祭一壇。每歲仲秋祭神祇。日用損一。羊一。豕一。餼二。臘臘各二。遣豆各十。帛一。遣官詣廟致祭。國有大事。則告。

京都太倉神廟

洪武初。建於南京。永樂後。京師祭如之。每歲春秋仲月。擇日用羊一。

豕一。餅飯果品。餼頭糕各五。帛一。遣戶部堂上官祭。

司馬馬祖先牧神廟

國初。築壇於南京。後湖並祀。今立廟如之。每歲二八月。中

司擇日。遣太僕寺官祭。

弘濟神祠

西海子源。出西山。逶迤山後。東入都城。南出玉河。入于大通溝渠。嘉靖十五年。

靈濟宮

福州閩縣舊有宮祀南唐徐知誼知諤兄弟永隆十五年。

上寢

疾。樂周故。請之即廖。於是建宮京師。封金闕。

王開真人。十六年。改封真君。每歲元日。冬至。二真君仙妃生辰。用帛素薦。遣太常寺堂上官行禮。每月朔望。本宮住持行禮。國有大事。則告。而福州舊例。每六年掛袍。太常寺遣官齋送。萬曆四年。奏罷遣官。止預行本省如式。端造。即於布政司堂上官。祭吉掛額。

元世祖廟

洪武初年建。每歲二八月中旬擇日。遣

漢前將軍漢壽亭侯關公廟

舊稱壽亭侯。嘉靖十

月十三日。以侯生辰。用牛一。羊一。豕一。果品五。帛一。遣太常寺堂上官行禮。國有大事。則

宋文丞相祠

永樂六年建。每歲春秋仲月。用羊一。豕一。果品五。帛一。遣順天府尹行禮。

榮國恭靖公姚廣孝祠

舊配享于太廟。嘉靖九年。移祀大興隆寺。後寺廢。

移崇國寺。每歲春秋。用羊一。豕一。果品五。帛一。遣太常寺堂上官行禮。

南京

北極真武廟

每歲三月三日。九月九日。用素齋。遣南京太常寺官祭。

都城隍廟

洪武二年。封京都城隍祀之。三年。正城隍號。命從祀于山川壇。二十年。改建廟。

二十一年。後。春。附祭于郊。秋。祭仍舊。今罷。惟每歲八月。祭市王後一日。遣南京太常寺官祭。

京都太倉神廟

每歲二八月十五日。遣南京戶部官祭。

天妃宮

祭

宮在龍江關。永樂五年建。每歲以正月十五日。三月二十三日。遣南京太常寺官致

五顯靈順廟

每歲四月八日。九月二十八日。遣南京太常寺官祭。

道林真覺普濟禪師廟

即寶誌公。洪武初建塔廟于雞鳴山上。每歲三月十

八日。用素饗。遣南京太常寺官祭。

祠山廣惠廟

祀張渤。每歲二月十八日。遣南京太常寺官祭。

漢前將軍漢壽亭侯關公廟

洪武二十七年。自玄津橋改建于雞鳴山。

與真武城隍五顯祠山。及蔣十曾劉衛國。共稱十廟。每歲四孟及歲暮。遣應天府官祭。五月十三日。又遣南京太常寺官祭。

漢秣陵尉蔣忠烈廟

晉成陽卞忠貞公廟

宋濟陽曹武惠王廟

南唐劉忠肅王廟

元衛國忠肅公廟

五廟。祀漢蒯子文。晉卞壺。宋曹彬。南唐劉仁
及除日。遣應天府官祭。永德七年。進封子文
忠烈。武順昭靈嘉佑王。忠烈舊廟。四月二十
八日。以生辰加一祭。

功臣廟

洪武二年建。每四五歲暮。遣勳戚大臣祭。

殿中正位

中山武寧王徐達

開平忠武王常遇春

岐陽武靖王李文忠

寧河武順王鄧愈

東甌襄武王湯和

黔寧昭靖王沐英

東序西向

都指揮使馮國用郢國公

僉都督耿再成西海武莊公

僉都督丁德興濟國公

都督同知張德勝蔡國忠毅公

靖海侯吳積海國襄毅公
平章康茂才新國武義公
副使茅成東海郡公

西序東向

叅政胡大海越國武莊公
都督同知趙德勝梁國公
廣德侯華高巢國武莊公
都督同知俞通海虢國忠烈公
江陰侯吳良江國襄烈公
宣寧侯曹良臣安國忠烈公

安陸侯吳復黔國威毅公

副使孫興祖燕山忠愍侯

兩廡各設牌一總書

故功臣指揮千百戶衛所鎮撫之靈

又大功坊中山王家廟永樂三年。令每歲正旦。清明。中元。十月朔。冬至。遣太常寺官祭以少牢。

有司記典上

舊典雜列各處山川土神古今聖賢忠臣烈士。
能禦大災。能捍大患。以勞定國。以死勤事。或奉
特勅建廟賜額。或沿前代

降勅護持者皆著祀典秩在有司不可勝列。惟嶽
鎮海瀆及歷代帝王陵寢凡遇

登極必遣官分投祭告特重其禮故備列之

嶽鎮海瀆

東嶽泰山山東泰安州祭

西嶽華山陝西華陰縣祭

中嶽嵩山河南河南府祭

南嶽衡山湖廣衡州府祭

北嶽恒山直隸真定府祭

東鎮沂山山東青州府祭

西鎮吳山。陝西隴州祭。

中鎮霍山。山西平陽府祭。

南鎮會稽山。浙江紹興府祭。

北鎮醫巫閭山。遼東祭。

東海。山東萊州府祭。

西海。山西蒲州祭。

南海。廣東廣州府祭。

北海。河南懷慶府祭。

江濱。四川成都府祭。

河濱。山西蒲州祭。

淮濱河南南陽府祭

濟濱河南懷慶府祭

帝王陵寢

伏羲氏河南陳州祭

媧皇氏山西趙城縣祭

神農氏湖廣鄖縣祭

軒轅氏陝西延安府祭

少昊氏山東曲阜縣祭

高陽氏

高辛氏

直隸滑縣祭

堯帝山東東平州祭

舜帝湖廣寧遠縣祭

夏禹王浙江會稽縣祭

商湯王山西滎河縣祭

商中宗直隸內黃縣祭

商高宗河南陳州祭

周文王。

周武王。

周成王。

周康王。

漢高祖俱陝西西安府祭

漢文帝陝西咸寧縣祭

漢景帝陝西西安府祭

漢武帝陝西興平縣祭

漢宣帝陝西長安縣祭

漢光武河南孟津縣祭

後魏文帝陝西富平縣祭

隋高祖陝西扶風縣祭

有司自祭不在三十六陵內

唐高祖陝西三原縣祭

唐太宗陝西醴泉縣祭

唐憲宗陝西蒲城縣祭

唐宣宗陝西涇陽縣祭

周世宗河南鄭州祭

宋太祖

宋太宗

宋真宗

宋仁宗俱河南鞏縣祭

宋孝宗

宋理宗俱浙江會稽縣祭

元世祖順天府祭

嘉靖中辰

凡應祀神祇。洪武元年。令郡縣訪求應祀神祇。名山大川。聖帝明王。忠臣烈士。凡有功於國家。及惠愛在民者。具實以聞。著於祀典。有司歲時致祭。○二年。令有司時祀祀典神祇。其不在祀典。而嘗有功德於民。事蹟昭著者。雖不祭。其祠宇禁人毀撤。○三年。遣官訪歷代帝王陵廟。令具圖以進。○四年。遣使祭歷代帝王陵寢。始罷天下府州縣祀三皇。○又令歷代帝王但在中原安養人民者。俱春秋祭祀。雖賢而在偏方。與在中原而昏愚者。俱不祭。亦不禁樵采。○七年。

令禮部頒祭嶽鎮海瀆儀於所在有司○九年
遣官行視歷代帝王陵寢凡三十六陵令百步
內禁樵采設陵戶二人看守有司督近陵之民
以時封培每三年一降香致祭○二十六年定
各處聖帝明王忠臣烈士載在祀典不係淫祠
者其廟宇陵寢皆要備知其處每年定奪日期
或差官往祭或令有司自祭禮部悉理之
凡前代陵寢天順八年令各處帝王陵寢被人
毀發者所在有司即時修理如舊仍令附近人
民一丁看護免其差役

凡神祇壇廟。嘉靖九年。令各處應祀神祇帝王忠臣孝子。功利一方者。其壇場廟宇。有司修葺依期齋祀。勿褻勿怠。

凡靖難革除間被罪諸臣。隆慶六年。令各地方官查其生長鄉邑。或特為建祠。或即附本處名賢忠節祠。歲時以禮致祭。

凡各處鄉賢名宦祠。萬曆二年。令各撫按官查勘釐正。有不應入祀者。即行革黜。